


高常侍集下



高常侍集卷第六

五言律詩

武威同諸公過楊七山人

幕府日多暇
田家歲復登
相知恨不早
乘興乃無恒
窮巷在喬木
深齋垂古藤
邊城唯有醉
此外更何能

入昌松東界山行

鳥道幾登頓
馬蹄無暫閒
崎嶇出長坂
合沓猶前山
石激水流處
天寒松色間
王程應未盡
且莫顧刀鐮

長樂郡
振鐮西
請看本

送白少府送兵之隴右

殘更登隴首遠別指臨洮爲問關中事何如州
縣勞軍容隨赤羽樹色引青袍誰斷單于臂今
年太白高

河西送李十七

邊城多遠別此去莫徒然問禮知才子登科及
少年出門看落日驅馬向秋天高價人爭重行
當早著鞭

醉後贈張九旭

世上謾相識此翁殊不然與來書自聖醉後語

猶頭白髮老閑事青雲在目前牀頭一壺酒能
更幾回眠

酬衛八雪中見贈

季冬憶淇上落日歸山樊舊宅帶流水下田臨
古村雪中望來信醉裏開衡門杳得希代寶緘
之那可論

同衛八題陸少府書齋

知君薄州縣好靜無冬春散帙至棲鳥明燈留
故人深房臘酒熟高院梅花新若是周旋地當
令風義親

送張瑤貶五溪尉

他日維貞幹明時懸鑊鄒江山送去國妻子獨
還家離別無嫌遠沉浮勿強嗟南登有詞賦知
爾弔長沙

別韋五

徒然酌杯酒不覺散人愁相識仍多別欲歸翻
旅遊夏雲滿郊甸明月照河洲莫恨征途遠東
看漳水流

別劉大校書

昔日京華去知君才望新應猶作賦好莫嘆在

官貧且復傷遠別不然愁此身青楓幾萬里江
上一歸人

宋中別司功叔各賦一物

丘試一望隱隱帶秋天地與星辰在城將大
道遷下戈悲昔事墟落對窮年即此傷離緒凄
矣賦酒筵

送蔡十二之海上

黯然而何所爲相對益悲酸季弟念離別賢兄救
急難河流冰處盡海路雪中寒尚有南飛鴈知
君不忍看

宴郭校書因之有別

綵服趨庭訓分交載酒過芸香名早著蓬轉事
仍多苦戰知機息窮愁柰別何雲霄莫相待年
歲已蹉跎

別韋兵曹

離別長千里相逢數十年此心應不變他事已
徒然惆悵春光裏蹉跎柳色前逢時當自取有
爾欲先鞭

獨孤判官部送兵

戰君蹉遠別為客念周旋征路今如此前軍猶

叱然出關逢漢壁登隴望胡天亦是封侯地期
君早着鞭

別從甥萬盈

諸生曰萬盈四十乃知名宅相予偏重家丘人
莫輕美才應自料苦節豈無成莫以山田薄今
春又不耕

別崔少府

知君少得意汶上掩柴扉寒食仍留火春風未
授衣皆言黃綬屈早向青雲飛借問他鄉事今
年歸不歸

別馮判官

碣石遼西地。漁陽薊北天。關山唯一道。雨雪盡三邊。才子方爲客。將軍正渴賢。遙知幕府下。書記日翩翩。

同李太守北池泛舟宴高平鄭太守

每揖龔黃事。還陪李郭舟。雲從四岳起。水向百城流。幽意隨登陟。嘉言即獻酬。乃知縫掖貴。今日對諸侯。

同崔員外綦母拾遺九日宴京兆府李士曹

今日好相見。群賢仍廢曹。晚晴催翰墨。秋興引風騷。絳葉擁虛砌。黃花隨濁醪。閉門無不可。何事更登高。

送崔功曹赴越

傳有東南別。題詩報客居。江山知不厭。州縣復何如。莫恨吳歛曲。當看越絕書。今朝欲乘興。隨爾食鱸魚。

送蹇秀才赴臨洮

悵望日千里。如何今二毛。猶思陽谷去。莫厭隴山高。倚馬見雄筆。隨身唯寶刀。料君終自致。勳

業在臨洮

淇上送韋司倉往滑臺

飲酒莫辭醉醉多適不愁孰知非遠別終念對
窮秋滑臺門外見淇水眼前流君去應回首風
波滿渡頭

使青夷軍居庸三首

匹馬行將又征途去轉難不知邊地別祇訝客
衣單溪冷泉聲苦山空木葉乾莫言關塞極雲
雪尚漫漫

古鎮青山口寒風落日時巖巒鳥不過冰雪馬

邊山出塞應無策還家願有期東山足松桂歸

結茅茨

五頓驅征騎棲遲愧寶刀遠行今若此微祿果
天勞絕坂水連下群峯雲共高自堪成白首何
事一青袍

自薊北歸

馬薊門北北風邊馬哀蒼茫遠山口豁達胡
開五將已深入前軍止半迴誰憐不得意長
獨歸來

途中寄徐錄事

落日風雨至。秋天鴻雁初。離憂不堪比。旅館復何如。君又幾時去。我知音信疎。空多篋中贈。長見右軍書。

唐陵別鄭處士

落日知分手。春風莫斷腸。興來無不愜。才在亦何傷。溪水堪垂釣。江田耐插秧。人生只爲此。亦足傲羲皇。

別孫訢

離人去復留。白馬黑貂裘。屈指論前事。停鞭惜舊遊。帝鄉那可忘。旅館自堪愁。誰念無知己。年

年睢水流

送劉評事充朔方判官賦得征馬嘶

征馬向邊州。蕭蕭嘶不休。思深應帶別。聲斷爲兼秋。岐路風將遠。關山月共愁。贈君從此去。何日大刀頭。

送魏八

更沽淇上酒。還泛驛前舟。爲惜故人去。復憐嘶馬愁。雲山行處合。風雨興中秋。北路無知己。明珠莫暗投。

贈別楮山人

攜手贈將行。山人道姓名。光陰薊子訓。才術褚先生。墻上梨花白。罇中桂酒清。洛陽無二價。猶是慕風聲。

別王八

征馬嘶長路。離人挹佩刀。客來東道遠。歸去北風高。時候何蕭索。鄉心更鬱陶。傳君遇知己。行日有綈袍。

送董判官

逢君說行邁。倚劍別交親。僕府爲才子。將軍作主人。近關多雨雪。出塞有風塵。長策須當用。男

兒莫顧身。

同群公登濮陽聖佛寺閣

落日登臨處。悠然意不窮。佛因初地識。人覺四天空。來鴈清霜後。孤帆遠樹中。徘徊傷寓目。蕭索對寒風。

同群公十月朝宴李太守宅

良牧徵高賞。褰帷問考槃。歲時當正月。甲子入初寒。已聽甘棠頌。欣陪旨酒歡。仍憐門下客。不作布衣看。

送裴別將之安西

絕域眇難躋。悠然信馬蹄。風塵驚跋涉。搖落怨
睽携。地出流沙外。天長甲子西。少年無不可行
矣。莫悽悽。

部落曲

蕃軍傍塞遊。代馬噴風秋。老將垂金甲。閑支着
錦裘。凋戈蒙豹尾。紅旆插狼頭。日暮天山下。鳴
笳漢使愁。

送鄭侍御謫閩中

謫去君無恨。閩中我舊過。大都秋鴈少。只是夜
猿多。東。敗。雲。山。合。南。天。瘴。癘。和。自。當。逢。雨。露。行。

矣。慎風波。

送李侍御赴安西

行子對飛蓬。金鞭指鐵騶。功名萬里外。心事一
杯中。虜障燕支北。秦城太白東。離魂莫惆悵。看
取寶刀雄。

贈杜二拾遺

傳道招提客。詩書自討論。佛香時入院。僧飯屢
過門。聽法還應難。尋經剩欲翻。草玄今已畢。此
外復何言。

高常侍集卷第六

高常侍集卷第七

五言排律

秋日作

端居值秋節此日更愁辛寂寞無一事蒿萊通
四鄰閉門生白髮迴首憶青春歲月不相待交
遊隨衆人雲霄何處託愚直有誰親舉酒聊自
勸窮通信爾身

陪竇侍御泛靈雲池

白露時先降清川思不窮江湖仍塞上舟楫在
軍中舞換臨津樹歌饒向晚風夕陽連積水邊

色滿秋空乘興宜投轄邀歡莫避駢誰憐持弱
羽猶欲伴鷓鴣

陪竇侍御靈雲南亭宴詩 并序

涼州近胡高下其池亭蓋以蕃落也幕府董
帥雄勇徑踐戎庭自陽關以西猶枕席矣軍中
無事君子飲食宴樂宜哉白簡在邊清秋多興
况水具舟檝山兼亭臺始臨泛而寫煩俄登陟
以寄傲絲桐徐奏林水更爽觴蒲萄以遞歡指
蘭茝而可掇胡天一望雲物蒼然雨蕭蕭而
馬聲斷風嫋嫋而邊歌幾處又足悲矣

公曰七日者何牛女之夕也夫賢者何得謹具
時請城南亭詩列之于後

人幽宜眺聽目極喜亭臺風景知愁在關山憶
夢迴祗言殊語默何意忝遊陪連唱波瀾動冥
搜物象開新秋歸遠樹殘雨擁輕雷簷外長天
盡尊前獨鳥來常吟塞下曲多謝幕中才河漢
徒相望嘉期安在哉

和竇侍御登涼州七級浮圖之作

化塔圯中起孤高宜上躋鐵冠雄賞眺金界寵
招攜空色在軒戶邊聲連鼓鼙天寒萬里北地

豁九州西清與揖才彥峻風和端倪始知陽春
後具物皆筌蹄

同熊少府題盧主簿茅齋

虛院野情在茅齋秋興存孝廉趨下位才子出
高門乃繼幽人靜能令學者尊江山歸謝客神
鬼下劉根階樹時攀折惚書任討論自堪成獨
徃何必武陵源

同未五題盧使君義井

高義唯良牧深仁自下車寧知鑿井處還是飲
水餘地即泉源久人當汲引初體清能鑒物色

洞每含虛上善滋來徃中和淡里聞濟時應未
竭懷惠復何如

同郭十題楊主簿新廳

華館曙沉沉惟良正在今用材兼柱石開物象
高深更得芝蘭地兼榮枳棘林向風扇戟戶當
畧近棠陰勿改安卑節聊閑理劇心多君有知
已一和郢中吟

送蔡少府赴登州推事

膠東連即墨萊水入滄溟國小常多事人訛屢
抵刑公才徵郡邑詔使出郊垆標格誰當犯風

謠信可聽崢嶸大岷口
遷迤汶陽亭地迥雲偏
白天秋山更青祖筵方
卜晝王事急侵星勸爾
將爲德斯言蓋有聽

秦中送李九赴越

攜手望千里于今將十年
如何每離別心事復
迤邐適越雖有以出關
終耿耿愁臨不可向長
路或難前吳會獨行客
山陰秋夜船謝家徵故
事禹穴訪遺編鏡水君
所憶尊羨予舊便歸來
莫忘此兼示濟江篇

古樂府飛龍曲留上陳左相

德以精靈降時膺夢寐
求蒼生謝安石天子富
平侯尊俎資高論巖廊
挹大猷相門連戶牖卿
族嗣弓裘豁達雲開霽
清明月耿秋能爲吉甫
頌善用子房籌階砌思
攀陟門闌尚阻修高山
不易仰大匠本難投跡
與松喬合心緣啓沃留
公才山吏部書癖杜荆
州幸沐千年聖何辭一
尉休折腰知寵辱迴首
見沉浮天地莊生馬江
湖范蠡舟逍遙堪自樂
浩蕩信無憂去此從黃
綬歸歟任白頭風塵與
霄漢瞻望日悠悠

留上李右相

風俗登淳古君臣挹大庭深沉謀九德密勿契
千齡獨立調元氣清心豁窅冥本枝連帝系長
策冠生靈傳說明殷道蕭何律漢刑鈞衡持國
柄枉石總賢經隱軫江山藻氛氲鼎彝銘鼎中
皆白雪身外即丹青江海呼窮鳥詩書問聚螢
吹噓成羽翼提握動芳馨俯伏悲還笑樓遲醉
復醒恩榮初就列含育忝宵形有竊丘山惠無
時枕席寧壯心瞻落景生事感流萍莫以才難
用終期善易聽未爲門下客徒謝少微星

辟陽城

荒城在高岸凌眺俯清淇傳道漢天子而封審
食其奸淫且不戮茅土孰云宜何得英雄主返
令兒女欺母儀良已失臣節豈如斯太息一朝
事乃令人所嗤

信安王幕府詩并序

開元二十年國家有事林胡詔禮部尚書信安
王總戎大舉時考功郎中王公司勳郎中劉公
主客郎中魏公侍御史李公監察御史崔公咸
在幕府詩以頌美數公見于詞

雲紀軒皇代星高太白年廟堂咨上策幕府制

中權盤石藩維固昇壇禮樂先國章榮印綬公
服貴貂蟬樂善旌深德輪忠格上玄剪桐光寵
錫題劔美貞堅聖祚雄圖廣師貞武德虔雷霆
七校發旌旆五營運華省徵群又霜臺舉二賢
豈伊公望遠曾是茂才遷並秉韜鈴術兼該翰
墨筵帝思麟閣像臣獻栢梁篇振玉登遼甸攬
金縢薊壩度河飛羽檄橫海泛樓船北伐聲逾
邁東征務以專講戎喧涿野料敵靜居延軍勢
持三畧兵戎自九天朝瞻授鉞去時聽偃戈旋
大漠風沙裏長城雨雪邊雲端臨碣石波際隱

朝鮮夜壁衝高斗寒空駐綵旄倚弓玄兔月飲
馬白狼川庶物隨文泰蒼生解倒懸四郊增氣
象萬里絕風煙關塞鴻勳著京華甲第全落梅
橫吹後春色凱歌前直道常兼濟微才獨棄捐
曳裾誠已矣投筆尚悽然作賦同元淑能詩匪
仲宣雲霄不可望空欲仰神仙

奉酬睢陽李太守

公族稱王佐朝經允帝求本枝疆我李盤石冠
諸劉禮樂先輝盛山河氣象幽系高周柱史名
重晉陽秋華省應推擇青雲寵宴遊握蘭多具

美前席有嘉謀賦得黃金賜言皆白壁酬着鞭
驅駟馬操刃解金牛出鎮兼方伯承家復列侯
朝瞻孔北海時用杜荊州廣固纔登陟毘陵忽
阻修三台冀入夢四嶽尚分憂郡邑連京口山
川望石頭海門當建節江路引鳴騶俗見中興
理人逢至道休先移白額橫更息赭衣偷梁國
歌來晚徐方怨不留豈伊齊政術將以變澆浮
訟簡知能吏刑寬察要囚坐堂風偃草行縣雨
隨輶地是蒙莊宅城遺闕伯丘孝王餘井徑微
子故田疇冬至招搖轉天寒蟬蛻收猿巖飛雨

雪苑落梧楸列戟霜侵戶塞幃月在鈎好賢
常解榻乘興每登樓逸足橫千里高談注九流
詩題青玉案衣贈黑貂裘窮巷軒車靜閑齋耳
目愁未能方管樂翻欲慕巢由講德良難敵觀
風豈易儔寸心仍有適江海一扁舟

奉酬路太守見贈之作

盛才膺命代高價動良時帝簡登藩翰人和發
詠思神仙去華省鴛鷺憶丹墀清淨能無事優
游即賦詩江山分想像雲物共萎蕤逸氣劉公
幹玄言向子期多慙汲引速翻愧激昂遲相馬

知何限登龍反自疑風塵吏道迫行邁旅心悲
拙疾徒爲爾窮愁欲問誰秋庭一片葉朝鏡數
莖絲州縣甘無取丘園悔莫追瓊瑤生篋笥光
景滿茅茨他日青霄騎猶應訪所之

餞宋八充彭中丞判官之嶺外

覩君濟時畧使我氣填膺長策竟不用高才徒
見稱一朝知己達累日詔書徵羽翮忽然就風
颺誰敢凌舉鞭趨嶺嶠屈指冒炎蒸北鴈送馳
驛南人思飲水彼邦本倔強習俗多驕矜翠羽
干平法黃金虎直繩若將除害馬慎勿信蒼蛇

魑魅寧無患忠貞適有憑猿啼山不斷鷓鴣路
難登海岸山交趾江城連始與繡衣當節制幕
府威威秋勿憚九疑險須令百越澄立談多感
激行李即嚴疑離別胡爲者雲霄遲爾昇

送柴司戶充劉卿判官之嶺外

嶺外資雄鎮朝端寵節旄月卿臨幕府星使出
詞曹海對羊城闊山連象郡高風霜驅瘴癘忠
信涉波濤別恨隨流水交情脫寶刀有才無不
適行矣莫徒勞

同李員外賀哥舒大夫破九曲之作

遙傳副丞相昨日破西蕃作氣群山動揚軍大
旆翻奇兵邀轉戰連弩絕歸奔泉噴諸戎血風
驅死虜魂頭飛攢萬戟面縛聚轅門鬼哭黃埃
暮天愁白日昏石城與巖險鐵騎皆雲屯長策
一言決高蹤百代存威稜懾沙漠義感乾坤
老將黯無色儒生安敢論解圍憑一勇止殺報
君恩唯有關河眇蒼茫空樹墩

酬河南節度使賀蘭大夫見贈之作

高閣憑欄檻中軍倚旆旌感時常激切於已即
忘情河華屯妖氣伊瀍有戰聲媿無戡難策多

謝出師名秉鉞知恩重臨戎覺命輕股肱瞻列
岳唇齒賴長城隱隱摧鋒勢光光弄印榮魯連
真義士陸遜豈書生直道寧殊智先鞭忽抗行
楚雲隨去馬淮月尚連營撫劍堪投分悲歌益
不平從來重然諾况值欲橫行

赴彭州山行之作

峭壁連崆峒攢峯疊翠微鳥聲堪駐馬林色可
忘機恠石時侵徑輕蘿乍拂衣路長愁作客年
老更思歸且悅巖巒勝寧嗟意緒違山行應未
盡誰與玩芳菲

東平旅遊奉贈薛太守二十四韻

頌美馳千古欽賢仰大猷晉公標逸氣汾水注
長流神與公忠節天生將相儔青雲本自負赤
縣獨推尤御史風逾勁郎官草屢修鴛鴦粉署
起鷹隼栢臺秋出入交三事飛鳴揖五侯軍書
陳上策廷議借前籌肅清朝列雖雖引帝求
一麾俄出守千里再分憂不改任棠水仍傳晏
子裘歌謠隨舉扇旌旆逐鳴騶郡國長河遶川
源大野幽地連堯秦嶽山向禹青州汶上春悅
渡秦亭晚日愁遺墟當少昊懸象逼奎婁即此
逢清鑒終然喜暗投叨承解榻禮史得問緜遊
高興陪登陟嘉言忝獻酬觀棊知戰勝探象會
真搜眺聽情何限冲融惠勿休祗應齊語默寧
肯問沉浮然諾長懷季栖遲輒累丘平生感知
已方寸豈悠悠

真定即事奉贈韋使君二十八韻

漂泊懷書客遲迴此路隅問津驚棄置投刺忽
踟躕方伯恩彌重蒼生詠已蘇郡稱廉叔度朝
議管夷吾乃繼三台側仍將四嶽俱江山澄氣
象崖谷倚冰壺詔寵金門策官榮葉縣見擢才

登粉署飛步躡雲衢起草徵調墨焚香即宴娛
光華揚盛矣霄漢在茲乎隱軫推公望逶迤協
帝俞軒車辭魏闕旌節副幽都始佩仙郎印俄
兼太守符尤多蜀郡理更得潁川謨城邑推雄
鎮山川列簡圖舊燕當絕漠全趙對平蕪曠野
何彌漫長亭復鬱紆始泉遺俗近活水戰場無
月換思鄉陌星迴記斗樞歲容歸萬象和氣發
鴻鑪淪落而誰遇栖遑有是夫不才羞擁腫干
祿謝侏儒契闊慙行邁羈離憶有于田園同李
于諸畜異陶朱方欲呈高義吹噓揖大巫永懷
吐肝膽猶憚阻榮枯解榻情何限忘言道未殊
從來貴縫掖應是念窮途

高常侍集卷第七



高常侍集卷第八

七言律詩

金城北樓

北樓西望滿晴空積水連山勝畫中
湍上急流聲若箭城頭殘月勢如弓
垂竿已謝磻溪老
道猶思塞上翁為問邊庭更何事
至今羌笛無窮

送前衛縣李冢少府

黃鳥翩翩揚柳垂
春風送客使人悲
怨別自驚千里外
論交却憶十年時
雲開汶水孤帆遠

繞梁山匹馬遲此地從來可乘興留君不住益
淒其

夜別韋司士

高館張燈酒復清夜鍾殘月鴈歸聲只言啼鳥
堪求侶無那春風欲送行黃河曲裏沙爲岸白
馬津邊柳向城莫怨他鄉暫離別知君到處有
逢迎

同顏少府旅宦秋中

傳君昨夜悵然悲獨坐新齋木落時逸氣舊來
凌燕雀高才何得混妍媸畱黃綬人多嘆心

託青雲世莫知不是鬼神無正直從來州縣有
瑕疵

同陳留崔司戶早春宴蓬池

同官載酒出郊圻晴日東馳鴈北飛隔岸春雲
邀翰墨傍簷垂柳報芳菲池邊轉覺虛無盡臺
上偏宜酌酹歸州縣徒勞那可度後時連騎莫
相違

送李少府貶峽中王少府貶長沙

嗟君此別意何如駐馬銜杯問謫居巫峽啼猿
數行淚衡陽歸鴈幾封書青楓江上秋天遠白

帝城邊古木踈聖代即今多雨露暫時分手莫躊躇

重陽

節物驚心兩鬢華東籬空繞未開花百年將半仕三巴五畝就荒天一涯豈有白衣來剝喙亦從烏帽自欹斜真成獨坐空搔首門柳蕭蕭噪暮鴉

五言絕句

詠史

尚有綈袍贈應憐范叔寒不知天下士猶作布

衣和

出家春望

出門何所見春色滿平蕪可歎無知己高陽一酒徒

閒居

柳色驚心事春風厭索居方知一杯酒猶勝百家書

送兵到薊北

積雪與天迥屯軍連塞愁誰知此行邁不爲覓封侯

封丘作

州縣才難適。雲山道欲窮。揣摩慙黠吏。棲隱謝愚公。

同群公題張處士菜園

畊地桑柘間。地肥菜常熟。為問葵藿資。何如廟堂肉。

逢謝偃

紅顏創為別。白髮始相逢。唯餘昔時慮。無復舊時容。

感五溪薺菜

兩京作薺賣。五溪無人採。夷夏雖有殊。氣味終不改。

七言絕句

除夜作

旅館寒燈獨不眠。客心何事轉悽然。故鄉今夜思千里。霜鬢明朝又一年。

初至封丘作

可憐薄暮官遊子。獨卧虛齋思無已。去家百里不得歸。到官數日秋風起。

別董大二首

千里黃雲白日曛，北風吹雁雪紛紛。
莫愁前路無知己，天下誰人不識君。
六翮飄颻私自憐，一離京洛十餘年。
丈夫貧賤應未足，今日相逢無酒錢。

營州歌

營州少年厭原野，皮裘蒙茸獵城下。
虜酒千鍾不醉人，胡兒十歲能騎馬。

送桂陽孝廉

桂陽少年西入秦，數經甲科猶白身。
即今江海歸客他日雲，零萬里人。

聽張立本女吟

危冠廣袖楚宮粧，獨步閑庭逐夜涼。
自把玉簪敲砌竹，清歌一曲月如霜。

塞上聽吹笛

雪淨胡天牧馬還，月明羌笛戍樓間。
借問梅花何處落，風吹一夜滿關山。

送李少府

相逢旅館意多違，暮雪初晴候鴈飛。
主人酒盡君未醉，薄暮途遙歸不歸。

九曲詞三首

許國從來徹廟堂連年不為在壇場將軍天上
封侯印御史臺中異姓王

萬騎爭歌楊柳春千場對舞繡麒麟到處盡逢
歡洽事相看總是大平人

鐵騎橫行鐵嶺頭西看遼遼取封侯青海只今
將飲馬黃河不用更防秋

常侍集卷第八

高常侍集卷第九

表

為東平薛太守進王氏瑞詩表

臣某言符瑞之興實由王化詩歌之作有自國
風伏見范陽盧某母瑯琊王氏性合希夷體於
靜默精微道本馳驚元關旁通天地之心預紀
休徵之盛去景龍二載撰天寶迴文詩凡八百
一十二字循環有數理一作若寒暑之遞遷應變
無窮謂陰陽之莫測誠其子曰吾歿之後爾密
記之當逢大道之朝必遇非常之主則真圖之

製便可上言君親之義不違犬馬之誠斯在臣
早識其子常與臣言星霜屢移書奏仍闕蓋以
歲月滋久旨趣幽微沉吟取耳目之前倏忽應
禎祥之後伏惟皇帝陛下乘道御極乃聖興化
三日月之並明一乾坤而同德梯航萬里爭飲
淳和之風臣妾四夷盡歸仁壽之域今陛下務
於道道可盡乎法於天天實長久是知與道齊
運比天同休無疆之休乃在茲矣則王氏之美
其可替乎章句粲然所謂沒而不朽者也臣適
誠惶誠恐頓首頓首昔漢幸甘泉且祓神君之

語周窮轍迹徒稱王母之謠豈若迥出名言高
懸響像讚皇王之丕命運宮商於景福且夫靈
芝嘉禾草木之瑞者黃龍丹雀禽獸之瑞者猶
能光揚帝載標榜頌聲方之真圖彼未爲得特
望編之史策列在樂章則陛下先於天而聽於
人也臣才術淺劣謬忝蕃條曾微消塵以答萬
一但馳北極每切子牟之戀遙奉南山願効封
人之祝

謝封丘縣尉表

臣適言臣田野賤品生逢聖時得與昆蟲俱霑

雨露常謂老死林藪不識闕庭豈其巖穴久空
弓旌未已賢才畢用搜訪仍勤見堯舜之爲心
荷乾坤之善貸臣藝業無取謬當推薦自天有
命追赴上京曾未浹旬又拜臣職顧慙虛受實
懼曠官捧日無階戴天何報臣已於正衙辭訖
即以今日赴官無任犬馬之志謹奉表陳謝以
聞臣適誠惶誠恐頓首頓首

謝上彭州刺史表

臣適言伏奉聖恩授臣彭州刺史寵光自天喜
懼交集臣某誠惶誠恐頓首頓首死罪死罪臣

本野人匪求名達始自一尉曾未十年北使河
渥南出江漢奉上皇非常之遇蒙陛下特達之
恩累登諫司頻歷憲府比逆亂侵軼淮楚震驚
遂兼節制之權空忝腹心之寄銜命感激思効
駑駘敢竭公忠動無迴避而智不周物才難適
時俄塵聖聽果速官謗實謂死亡可待流竄在
茲陛下弘覆載之恩明日月之鑒始拜官允今
列藩條雨露之恩更霑枯朽陽和之氣忽曜沉
埋天高聽卑臣獨何幸臣某誠惶誠恐頓首頓
首死罪死罪臣聞忠臣事君雖死無貳臣今未

死敢忘至公伏惟陛下哀臣愚蒙矜臣方直臣雖在遠若近天顏臣以今日七日到所部上訖宣布德音草木增氣敷陳眷澤黎庶昭蘇無任惘歎屏營之至謹附驛奉表陳謝以聞臣某誠惶誠恐死罪死罪謹言

謝上劔南節度使表

臣適言受脤登壇必先禮樂剖符攬轡是委腹心方將總領諸侯整訓戎旅分二南之名器創七德之籌謀君無虛授臣無虛受授受之際任用匪輕况全蜀與區非賢勿守方面重寄擇善

而從顧臣庸愚豈合祇拜遠奉恩制不敢逡巡即以二月二日上訖天威在顏風俗思變飲冰食蘖策朽磨鉛臣往在淮陽已無展效出臨彭蜀又乏循良雖聖恩不移而微臣益懼謹當宣揚皇化鎮撫蕃蠻訓卒吏兵翦除夷獠庶冀毫髮增益山丘陛下慎擇任人朝廷多士伏願更徵英彥俾付西南許臣暮年歸侍丹闕臣子之懇君父之慈天高聽卑下情上達軍府多事稅賦方殷臣今逐便指搗乘間式遏救蒼生之疲弊寬陛下之憂勤乃臣丹誠悽悽於夙夜無任

控款之至謹遣洋州司馬攝參謀臣路球謹奉
表陳謝以聞

賀安祿山死表

臣適言臣得河南道及諸州牒皆言逆賊安祿
山苦痛而死手足俱落眼鼻殘壞臣聞負天者
天誅負神者神怒其道甚著今乃克彰臣適誠
懽誠喜頓首頓首逆賊孤負聖朝造作氛祲嘯
聚吠堯之犬倚賴射天之矢殘酷生靈斯亦至
矣臣恨不得血賊於萬戟肉賊於三軍空隨率
士之歡遠奉九霄之慶即當總統將士憑恃威

靈驅未盡之大羊覆已亡之巢穴無任踴躍慶
快之至謹遣攝判官李翥奉表陳賀以聞

謝上淮南節度使表

臣適言以今月二日至廣陵以某日上訖流布
聖澤江淮益深扇揚皇風草木增色臣誠惶誠
恐頓首頓首伏惟皇帝陛下大明照臨純孝撫
御漢主事親之日爰總六師軒后垂衣之辰再
清四海猶以京華尚阻國步暫艱運黃石之神
謀推赤心於人腹臣器非管樂殊孔明之自比
識謝孫吳異山濤之暗合豈意聖私超等榮寵

荐臻拔自周行寄重方面以時危而注意竊愧
非才因國難以捐軀顧為定分即當訓練將卒
緝綏黎甿外以平賊為心內以安人為務庶使
殄滅兇醜舞詠時邕報明主知臣之恩成微臣
許國之節無任戴荷攀戀之至謹遣某官陳謝
以聞

賀收城表

臣適言閏正月十六日中使郭羅至伏奉勅書
示臣聖畧收復瀍洛掃殄兇徒臣適手之足之
載欣載躍臣聞天不做易將而必誅守在四夷

難逃一面頃者逆胡稔惡竊據中都欲驅犬羊
敢肆蜂蠆碎首於雷霆之下竄跡於城社之中
猶貯殘魂擬收餘燼陛下澤深覆載功濟艱難
神武必止於干戈寰區大拯於塗炭好生惡殺
誠屢發於宸心走獸奔禽盡已罹於網目使風
雲一變日月增輝巨海絕其揚波氛化為和
氣臣忝司戎律累奉德音昭宣眷謀底寧縣道
天下幸甚豈獨方隅無任慶快之至謹遣洋州
司馬負外同正負攝參謀臣路球奉表陳賀以
聞

高宗皇帝集卷九
賀斬逆賊徐知道表

臣某言臣聞人臣無將將必誅之逆賊前成都少尹兼侍御史僞稱成都尹兼侍御史中丞劔南節度使徐知道中官攜養莫知姓族熒惑主司叨竊憲臺不能輸瀝肝膽以荅休明而懷挾姦邪嘯聚同惡傾竭府庫塗炭黎甿遂爲撓捨恣行蠱毒杜塞劔道擁遏朝經部署兇殘統領州縣曾未數日蕩壞一隅郊原已空市井如掃臣與邛南隣境左右叶心積聚軍糧應接師旅以今月二十三日大破賊衆同惡翻然共殺知

道六軍慶快雲物改容百姓欣歡景色相賀此皆社稷昭應神靈保持伏惟皇帝陛下德動天無遠不屆兵戈向戢華夏克寧布蕭王之赤心竭臣子之丹款妖氛聚而皆盡郡國危而更安高視百王能事斯畢臣忝守藩翰惟此艱虞覩天地之廓清與飛動之感若無任踴躍之至謹奉表陳賀以聞

請入奏表

右自徐知道作亂軍府畧空救弊扶傷事資安輯臣夙夜陳力啓處不遑伏以二陵攀號臣未

修壞真萬方有主臣未覩天顏犬馬之誠不勝
懇款候士卒稍練蕃夷漸寧特望聖恩許臣入
奏謹錄奏聞伏聽勅旨謹奏

高常侍集卷第九

高常侍集卷第十

雜著

繡阿育王像讚并序

阿育王繡像竇氏女奉爲亡妣太夫人蘇氏所
建也嗚呼有以蓬首操行柴立孝思仰昊天
之義矣可施於王化故能塵垢明鏡住持壽
水惟宿因獨見諸淨以爲霜雪風雨之思胡寧
以報親功德莊嚴之深冀以益吾親矣乃自方
文之室沛然廣大之願綵翠鮮秀光華可掬運

夫心眼之靈盡如相好之美瞻仰圍繞涕淚是悲俾像教之勿墜如佛身之有在夫莫大者孝也不泯者善也惟孝與善可以導達幽冥則我太夫人宜歸淨土矣嗚呼孝之至也感人無窮乃爲讚曰

佛不可見兮法亦難知惟我莊嚴兮本乎孝思儻幽冥兮昭乎景福彼淨土者可得而歸之

陳留郡上源新驛記

周官行夫掌邦國傳遽之事施於政者蓋有章焉皇唐之興盛於古制自京師四極經啓十道

道列于亭亭實以駟而亭惟三十里駟有上中下豐屋美食供億是爲人跡所窮帝命流洽用之遠者莫若於斯矣伊陳留雄稱山東聲殷海內昌大囂庶有梁魏之遺迹風煙雄兩河之眇襟帶九州之半泊皇華輶傳夷使駿奔出關而馳南向北戶山川水陸之役兆於是矣故上源所置與其難哉居里之衝瀕河之陽地形湫隘館次卑狹異在堤下面於劇旁寔庭以隅建步終坎車靡方駕騎無並鞭其鬱閉有如此者壬辰歲太守元公連率河南之三載也堯咨四岳

而人神理漢詔八使而風俗清舉德推賢事高
典策革已成之弊持獨斷之明迨茲郵亭俯視
頽朽何逼側寒淺不稱其聲將圖鼎新豈曰仍
舊顧謂長史李公曰夫開釋故實發揮制度不
有攸居者誰其允協今奏計闕前先甲而往小
大之務公其領之申命錄事參軍馮元掌曰維
操繩墨者蓋用於正蘊廉慎者俾臨於財公以
正身用財均力紀綱相佐善莫大焉復命浚儀
令裴勝曰公之爲縣也簡易於理訓迪其源秉
清白之一門據忠信之餘地夫忠以創物清而

守官立言有程指使而可於是北吞里室人以
利遷也南路路旅事無苟免也合土以峻墉攻
木以高戶棟宇相翼群材如生茲所謂勳乃有
經徐而不費於戲久於否者宜以改作本於功
者終乎永貞則亭之成焉我方訪王公澄清之
初也公時膺邁德天與大才屬梁宋不登朝廷
盱食求瘼之重不期然歟用能官去糝政人無
菜色百城偃於迅風萬象納於明鏡乃因察吏
慨然於茲亭曰且夫木石之新者而猶可觀况
人而自新孰不觀者又曰傳不云平啓塞從時

用之善者而今而後吾以無事爲事焉君子是以知邨亭之可嘉而我公之清淨無窮也末吏不敏紀于貞石云

送竇侍御知河西和糴還京序

天子務西州之實歲糴億計何始於貴取而終以耗稱俾邊兵受寒戰馬多疲輓域中之稅鑄海上之山江淮之人蓋奔命矣豈財用之地抑以從來將利害之鄉猶有所闕廟堂精思其故表竇公自憲闡而董之開釋叢脞之病發揮鹵莽之極政之大者不其然歟今農未力於必登

廉賈知夫勇賤於戲古惟斯之義以見天下之兵我慕府涼公勤勞王家常用此道干戈所適戎狄相弔宜哉八月旣望公於是領錢穀之要歸奏朝廷副節制郎中裴公軍司馬負外李公追臺閣之舊游惜軒車之遠別席樓船於池上泛雲物於城下胡笳羗笛繚繞隈隩儻羅眩莊映帶洲渚醉後歡甚東林日高語岐路於樽前指京華於天眇有若司直崔公之逸韻嘉其廷評數賢之間作適忝斯人之後敢拜首而叙云

樊少府廳獅猛贊

獅猛志猛猛於獅子糾眼星懸赤毛焰起銅爪
鐵甲鋸牙鑿齒顧犀象則百隊山踰看熊羆則
千群野死以此言威威可知矣仙尉樊公寫其
象中崑崙却粹而星壁欲動虎豹膽懾而訟虎
已空稜稜兮隔簾飛霜颯颯兮滿院生風於是
乎君子爲百獸之長遂識樊公爲百夫之雄

罷職還京攻睢陽祭張巡許遠文

維乾元元年五月日太子詹事御史中丞高適
謹以清酌之奠敬祭于故御史中丞張許二公
之靈中丞體質貞正才掩賢豪詩書自負州縣

徒勞惆悵雄筆此助寶刀時平位下卅亂節高
賊臣通逆國步危微兩河震恐千里嗷嗷袂袂
洒泣據鞍鬱陶全譙入宋收梓捍曹心繫魏闕
志清武牢帝曰嗟爾龍光豹韜憲臺戎幕持斧
擁旄嗚呼予亦忝竊統茲介冑俄奉短書至夔
狂寇畏糧訓卒達曙通晝軍乃促程書亦封奏
遂發驕勇俾驅鳥獸將無還心兵亦死鬪賊黨
頻感我師旋漏十城相望百里不救胡羯嘯聚
犬羊蟻湊積薪爲梁決岸成竇嗚呼當此虎敵
豈無強隣常時肝膽今日胡秦堅守半歲絕糧

數旬柿椽秣馬煮紙均人病不暇殛歿無全身
煎熬甲冑啄啣膠筋慷慨艱險淒涼苦辛嗚呼
我辭淮楚將赴伊洛途出茲邦悲纏舊郭邑里
灰燼城池墟落何九拒之崢嶸皆二賢之制作
聲蓋天壤氣橫遼廓讓死爭先臨危靡却嗚呼
天亦難論萬夫開壁一旅纔存衰羸既竭
力弱相吞陷穽織路梯衝棧門土濠水合木柵
雲屯居即其弊突無其奔煙劍戟逼側紛昏
與求生而害義寧抗節以理魂嗚呼悖逆殲潰
干戈將止海岳澄清朝廷至理封功列爵懷黃

拖紫傷哉二賢不預於此嗚呼媼婦伶俜愛子
追贈方榮賞延茲始寂寂梁苑悠悠雖水黃高
連接白骨填委思壯志於冥冥問遺形於荆杞
列祭空城一悲永矣

予是於一九五八年二月十日即夏歷戊戌歲元旦得之西諦
壬午立夏日 壬午

此題壬午不知其為康熙乾隆道光然決其非光緒也予則以光緒辛丑正月元夕后一日得而記之

